

Quaque elapsa æstus duplicis pugnacibus undis :
Sexque locis plumbi nigrique albique metallo ,
Quo melius vix quicquam orbe omni, hæc Insula abundat.
Hæc Cathanesia abest bis denis bisque duobus
Milibus, unda freti rapido qua interluit æstu:
Dictus & à gente est Pictorum hic Picticus æstus :
Insula & hoc multa undoso sparguntur in æstu:
Bis binis distat Cathanesio à littore Stroma
Milibus, haud infœcunda ; Orcadibus tamen illa
Accensere vetat vicina Britannia, & illi,
Imperio quorum paret, Comitibus Cathanesii.

Orcadum ab hac gelidam quicquid, adnavigat Arcton,
Australis Ranalsa occurrit prima, Dunachi
Quæ à sinu abest, aut Duncani, bis millibus octo ;
Quod spatium binis horis æstusque secundo,
Ut cessent venti, faciunt per fervida Nautæ
Cerulea, transmissi tanta est violentia tractus ;
Longa est milia quinque ; satisque accommoda portu
Margarida Diva, cui Augusto omine nomen.
Projectæ hinc paulum, qua Phœbus surgit ab undis ,
Sunt binæ, exiguæ, incultæ, pecorique relicta
Insule, illi Holmas gentili nomine dicunt :
Herbida planities (hæc vox est versa Latinis)
Asita aquis, Boream ad Burra est: hanc inter & amplam
Pomonam binæ sunt Holmæ ; Burra ab iniqua
Occasum versus Solem tres ordine, Suna
Et Flata & Flara ; atque has inter Hoia Valis ,
Sive duæ, sive una hæc Insula, ut æquidiali
Tempestate, recessu æstus, undis & arenis
Faucibus angustisque sibi Insula ut una coherent ;
Sic æstu redeunte mari interjecto ea forma
Effigiat binas incinctas aquore terras.
Hic celsi ante omnes transcendunt nubila montes ,
Bis quinque in longum porrectæ milia; distant
Ab Ranalsa octo, à Donachi Fano quater absunt
Milia quina : at ab Arctoo, qua immobilis axe
Est Granisa freto angusto insita. Abest etenim Hoja
Pomone promontorio duo milia tantum.
Atque hæc sunt fere Pomonam Cathanesiam & inter.
Pomone latus occiduum mare spectat apertum ,
In quo extat nullus scopulus, nulla Insula paret.
A promontorio paulum procurrat Eoo
Cobesa, Pomonam à Borea quæ ceu tegit umbra.
Littoreo propior tractu, Siapinsa, Orientem in
Paulum se inflectens, contra sita Cracoviacam,
Milia bina patens, vergit sex milia longa.
A parte Occidua Pomone est Rusa, duo ter
Milia longa. ab ea, qua Sol cum surgit, Egliæ,
Magnum ubi Magnum illum Divum fert fama sepulchrum.
Ad mediam lucem est Vera, Gersaque, nec procul illinc
Vestra, à qua decies octona Hethlandia distat
Milia. ab hac totidem omnino distat Papa, Stronsa ,
Fara, jacet medio fere cursu hoc Insula Bella ,
Quam Orcades Hethlandique suo de littore cernunt,
In promontoria assurgens altissima terna ;
Rupibus excelsis præincta est undique circum,
Undique inaccessa est, si non æstivum orientem
Versus se paulum demitteret, & stationem
Naviculis tutam præberet; pauperius nil
Indigenis; piscatores, quos Anglia mittit,

Quos Hollandia, quos alii è regione propinqua
Oceano, quacunque omnes rapiuntque feruntque
Omnia pro arbitrio. Post illam proxima longe est
Maxima cunctarum, quas fert Hethlandia; terram hæc
Continuam indigetant, in longum millia passuum
Sexaginta, octo bis lata ; in plurima spargens
Se promontoria ; ex his duo maxima ; longum
Alterum & angustum rigidam procurrat in arcton ,
Alterum in Hibernum pandit se latius ortum.
Littoreis cernas habitata maritima in oris :
At præter pictas adit interiora volucres
Pene animal nullum; paucis bonus incola ab annis
Latius in terras cultura extendere curam
Tentavit, quam majores successu sine ullo :
Divitiæ sunt à Neptuno, parte & ab omni
Omnibus objecta est piscandi summa facultas.
Hinc Boream versus bis quinque ad millia, lata
Octo Zeal, supra viginti millia longa ;
Est adeo fera natura calvæ solivæ,
Ingenio aut genio ferat ut non ullam animantem
Indigenam, præter quam in luminis edidit auras ;
Hic Bremensem ajunt mercatorem affluere omni
Merce peregrina, quæ exotica commoda præstet ,
Suppetat unde illis omnium omnibus usus abunde.

Hanc inter terramque illam quam diximus antè
Perpetuam appellari, insunt, sed mole minores :
Insula Linga, Orna, & Bigga, & Sanctæ ferrea; ultra hæc
Vusta novem distat glaciæntem millia ad Vrsam ,
Sex lata, ac supra viginti millia longa ;
Plana solo, at non inamœna oculis, nisi qua mare circum
Sævit, ab insanis apprimè immane procellis
Hanc Zealemque inter, Via, & Vra, atque altera Linga.
Extra eam ad occasum adspiciunt & Skenia duplex,
Burraque : ad ortum Auroræ, Balta, Honnega, nec non
Foclara in septem porrecta est millia : septem
A Vusta, à Zeale distans prope millibus octo,
Atque objecta freto Zeale, quod dividit Vstam :
Multa obscura dein prætenditur Insula Eoo
Perpetus terra lateri, Mecla, Skenia triplex
Eoa, & Brasa, & Musa, Nostunda, atque Chualsa.
Occiduum latus Occidua omnis Skenia cingit ,
Rottia, Papa duplex, Vonnedaque Valla, Freondra
Burra, duplexque Havra, & totidem has sparsa inter &
Hethlandis victus idem qui Orcadibus, usus, (Holmæ.
Et ratio, nisi quod multis paulo asperior sit :
Commoda juxta domestica : Vestis ad usum ,
Et ritum Germanorum, est utcunque decora.
Illis proventus panno ex crassoque rudique,
Quem Norvegia emit, facta ex oleo, intestinis
Piscium, & è butiro & piscatu. queis duo scalmi
Naviculis piscantur, & has Norvegia vendit.
Quos capiunt pisces, horum est captura per ampla,
Aut condire sale, aut vento siccare laborant ;
Hæc divendita ubi, & collecta pecunia, solvunt
Vectigal ; domus hinc, pars victus, cuncta supellex
Suppeditat. nitet in mensa quandoque salinum ,
Aut argentum aliud. Germani moris ad instar,
Pondere, mensuris, numeris utuntur : & illis
Germanus sermo est vetus, aut fere Gothicus omnis.
Mense semel minimum invitant se mutuo ; at omnem